



## AGENSI PENGUATKUASAAN MARITIM MALAYSIA

Jabatan Perdana Menteri  
Tingkat 10, One IOI Square  
IOI Resort  
62502 PUTRAJAYA  
MALAYSIA



Tel : +603 – 89957016/7019/7006  
Faks : +603 – 89411000  
Web : <http://www.mmea.gov.my>

Rujukan : APMM UKK 100-2/1/1 Jil.8 ( )  
Tarikh : 1 Ogos 2018

## SIARAN MEDIA

### **GANJA 864 KILOGRAM BERNILAI 2.5 JUTA DILUPUSKAN**

**POR T DICKSON, 1 OGOS** – Agensi Penguatkuasaan Maritim Malaysia (Maritim Malaysia) hari ini melupuskan dadah jenis ganja seberat 864 kilogram bernilai RM 2.5 juta hasil rampasan dua (2) kes yang berlaku di Pantai Kuala Perlis dan perairan Pulau Cebu, Pulau Langkawi, Kedah.

Yang Berbahagia Laksamana Maritim Dato' Sri Zulkifili bin Abu Bakar, Ketua Pengarah Maritim Malaysia berkata, "pelupusan dadah pada hari ini hasil daripada dua rampasan yang dilakukan pada 24 Mei 2010 jam 10.45 pagi, 3.7 batu nautika dari Pantai Kuala Perlis, yang melibatkan bot kilit 6 bersama enam orang anggota sedang membuat rondaan, dapat mengesan plastik hitam terapung sebanyak 235 ketul (235 kilogram), bernilai RM 705,000 dipercayai dibuang oleh penyeludup apabila menyedari kehadiran Maritim Malaysia".

"Tangkapan kedua pada 3 Jun 2017 pada jam 11.11 pagi di perairan Pulau cebu, Pulau langkawi yang melibatkan bot petir 81 dengan empat orang anggota sedang membuat rondaan, telah mengesan plastik hitam terapung sebanyak 629 ketul ganja (629 kilogram) bernilai RM 1,887,000 juga dipercayai ditinggalkan oleh penyeludup".

"pelupusan dadah ini merupakan pelaksanaan kali kedua yang dilaksanakan oleh Maritim Malaysia di mana dadah ini dilupuskan secara terkawal dengan kaedah pembakaran menggunakan inkubator oleh syarikat tempatan yang telah dilantik bagi melaksanakan prosedur pelupusan ini."

Pelupusan dadah ini perlu dilakukan secara terkawal kerana ianya boleh menjelaskan kesihatan manusia dan haiwan serta merbahaya kepada alam sekitar. Justeru, pelupusan yang terkawal dan selamat seperti ini perlu dilaksanakan dengan sempurna.”

Dato' Sri Zulkifili, turut mengulas bahawa ini merupakan pencapaian terbaru yang dapat membuktikan bahawa Maritim Malaysia serius dalam mengendalikan kes berprofail tinggi bermula daripada tangkapan, siasatan, perbicaraan dan seterusnya sehingga ke pelupusan barang bukti yang mana ia merupakan peringkat terakhir di dalam sesuatu kes.

Maritim Malaysia akan terus memastikan tahap pengurusan sesuatu kes berprofail tinggi yang dikendalikan mengikut prosedur dan piawaian standard yang telah ditetapkan. Ini juga adalah perlu di mana cabaran dalam menghadapi ancaman jenayah di laut adalah semakin mencabar dari semasa ke semasa.

**-TAMAT-**

---

Sebarang pertanyaan, sila hubungi:  
Encik Adeli bin Hussin  
Pegawai Perhubungan Awam  
Agenzi Penguatkuasaan Maritim Malaysia,  
Jabatan Perdana Menteri,  
PUTRAJAYA

Tel: 012-6592068  
Fax: 03-89411000  
Email: [adeli@mmea.gov.my](mailto:adeli@mmea.gov.my)